

正陽縣志

袁乃寬署

重修正陽縣志目錄

卷首

序

凡例

修志姓名

目錄

圖

縣總圖  
覺宮圖

五區分圖  
黃公祠圖

城關圖

四大鎮圖

卷一

地理

星野  
山脈

疆域沿革  
河流

縣治形勢  
水利

距離道里  
古蹟

疆界道里  
古蹟考  
治區沿革

建置

城池  
工廠

街巷  
營防

官署  
舊蹟

局所  
壇廟附宗祠

學校  
寨堡

倉廩

卷二

政治

縣政組織  
自治機關

政治沿革  
爵職紀

民政  
職官表

軍政  
政績傳

警政

司法

財務

田賦附附加捐

公款機關

稅項

捐項

雜項

交通

驛站郵政  
電報

道路

橋梁

津渡

水運

實業

農業  
牧業

林業  
商業

動物鳥獸魚蟲  
工業

漁業

蠶業

蜂業

卷三

教育

學宮  
學校

學規  
典禮

教官  
鄉儀

書院  
風俗附節序

義學  
宗教

教育機關

選舉

徵辟

科貢

議員

學校畢業

大事記

附清鄉局  
普濟堂

振務會  
育嬰堂

慈善局  
養濟院

政黨沿革

卷四

人物

附方技

游寓

卷五

人物

卷六

藝文

經傳

著作書目  
集文

卷七

藝文

集文

集詩

卷八

藝文

集詩

金石

卷末

雜綴

軼事

異聞

舊志序

重修正陽縣志卷六

總纂 光山

堯初 陳全三

編纂 邑人

益三 潘守謙  
漁村 呂兆璜  
少章 吳彬詒  
子翔 鄒關雲  
屏亞 蕭廷藩

校正 邑人

紹宣 趙憲章

藝文志

敘曰。正陽近代文學。衰微久矣。迴溯前古。文之足以載道。而有闡世運者。在商。有祖己之高宗。彤日篇。祖伊之西伯。戡黎篇。言德。言性。言天。言民。實能洞澈治源。在周。有大雅之思齊。大明二章。詠太任之徽音。樹二南之大本。有左傳。蒹艾獵。城沂之慮。事量功。有孟子。教慎子之當道。志仁。如是等文。或出自邑人。或因邑事。邑人而發明。古經傳。尚鄭重表章。以垂教萬世。我邑乘豈可自遺往訓。而不採錄焉。資以啟迪後賢乎。次如漢晉後之撰述。註疏。鐘鼎碑坊之銘勅。以及山川風物之詩文詞章。間多名

範。可型來茲。爰爲博訪集錄。俾後之人。得以因文求實。興起焉。光大其事。而至於道。志藝文。

經傳

商

高宗彤日

高宗彤日。越有雉雉。祖己曰。惟先格王。正厥事。乃訓于王曰。惟天監下民。典厥義。降年有永。有不永。非天夭民。民中絕命。民有不若德。不聽罪。天既孚命。正厥德。乃曰其如台。嗚呼。王司敬民。罔非天胤。典祀。無豐于昵。

西伯戲鰲

西伯既戲鰲。祖伊恐。奔告于王曰。天子。天既訖我殷命。格人元龜。罔敢知吉。非先王不相我後人。惟王淫戲。用自絕。故天棄我。不有康食。不虞天性。不迪率典。今我民。罔弗欲喪。曰。天曷不降威。大命不摯。今王其如台。王曰。嗚呼。我生不有命在天。祖伊反曰。嗚呼。

乃罪多參在上。乃能責命于天。殷之卽喪。指乃功。不無戮于爾邦。

周

大雅

大明章 摯仲氏任。自彼殷商。來嫁于周。曰嬪于京。乃及王季。惟德之行。太任有身。生此文王。

思齊章 思齊太任。文王之母。思媚周姜。京室之婦。太姒嗣徽音。則百斯男。

左傳

魯宣公十一年  
蕞艾獵城沂

楚左尹子重侵宋。王待諸鄉。令尹蒍艾獵城沂。杜預註。蕞艾獵。孫叔敖也。沂。楚邑。姚培謙註。在今正陽縣境。使封人

慮事。以授司徒量功。命曰分財用。平板榦。稱畚築。程土物。謹遠邇。略基址。具餼糧。度有

司。事三旬而成。不愆於素。

孟子 訓慎子章

魯欲使慎子爲將軍。孟子曰。不教民而用之。謂之殃民。殃民者。不容於堯舜之世。一戰



勝齊。遂有南陽。然且不可。慎子勃然不悅曰。此則滑釐所不識也。曰。吾明告子。天子之地。方千里。不千里。不足以待諸侯。諸侯之地。方百里。不百里。不足以守宗廟之典籍。周公之封於魯。爲方百里也。地非不足。而儉於百里。太公之封於齊也。亦爲方百里也。地非不足也。而儉於百里。今魯方百里者五。子以爲有王者作。則魯在所損乎。在所益乎。徒取諸彼以與此。然且仁者不爲。況於殺人以求之乎。君子之事君也。務引其君以當道。志於仁而已。

著作書目

周

慎子十二論

慎到著  
見史記

慎子四十二篇

慎到著  
見隋書  
唐書藝文志

漢

天祿閣外史八卷

黃憲著  
見漢魏叢書  
或謂後人偽託

齊

四聲切韻

周濂著

梁

周易講疏十六卷

周宏正著

論語疏十一卷

周宏正著

莊子疏八卷

周宏正著

老子疏五卷 周宏正著、

孝經疏二卷 周宏正著、

集二十卷 周宏正著、

尙書雜記三十二篇 漢周防著、

明

牆壁子集 祝偉著、

隱人譚集 祝偉著、

臨雲軒集 陳昌言著、

聖學統宗 何麟著、

汝南人物考 何麟著、

真陽縣志 何麟著

清

四書講旨 吳國梁著、

周易註解 劉永清著、

射法正中 王文彥著、

四技取驗 王百誦著、

養正齋詩集 傅必端著、

敝帚軒文集 葉蔭叶著、

葛民詩草 葉曾培著、

易經窮源說略 王鴻軒著、未付梓、原稿存汝郡梁敦授家、

道學闡微 王鴻軒著、付梓行世、板存孝感天緣堂、

辨道篇 王鴻軒著、已梓行、板存孝感天緣堂、

筱鶴文集四卷 黎鴻猷著、

福亭詩集八卷 卓壽山著、

福亭古文四卷

卓壽山著

團練實紀

閻漢璞著  
已梓行

青雲集雲卿塾課

馮殿臚著

清豐縣志

吳清俊著

尉氏縣志

吳清俊著

商邱縣志

吳清俊著

玲瓏錦繡山房文集

吳清俊著

政垣隨筆

溫澤璠著

政垣詩話

溫澤璠著

剪燭餘談

溫澤璠著

心學知仁錄

葉培元著

中學格致說

葉培元著

聊復齋詩集

葉培芝著

養生治生救時合論

王道立著

道法簡宗

王道立著

雜詩遺稿

王道立著

地理辨訛衷正

王道立著

傷寒三疫論

李學正著

松園辯論

李學正著

醒迷傳記

李學正著

老子講解錄

魏松聲著

喉科摘要十二卷

張淑儀著

醫學集成二十四卷

于保仁著

集文

漢

兵法

邑徵君  
叔度黃憲

有巨盜攻冥阨之關。一郡大恐。居民遁逃。而無所歸。賊有名司馬龍者。力敵三軍。勇冠百萬。懸千錢於百步之外。箭九發而九破。以此擅譽。時羣盜將陷關。司馬龍曰。吾聞郡有黃叔度。未可攻也。乃結營於關外。有司聞之。匍匐詣於徵君之廬。以綺輿迎之。徵君辭曰。憲。汝南鄙人也。未嘗入簿書之室。遊刑罰之庭。是以不諳國家大議。盡訪諸奉高乎。有司請曰。徵君。王佐才也。何足辟讓。賤令不職。不能靖安土壤。使男女愁歎。父老奔走。羣盜以殺掠爲名。屯於冥阨。聞徵君之賢。故未敢驟攻。而勢已破矣。若不往。是絕百姓以乘寇已。徵君奚安乎。遂行。徵君以綸巾玄服。乘輿至關下。謂諸將曰。聞賊中有司馬龍。其人勇而能射。所向無不殘滅者。必乘之爲利。若以計卻之。猶開道而放熊。終爲人患。夫靖一郡而貽患於他。胡可忍也。且以動王室。且以計死之者安。以計禦之者半。

有司及諸將謝曰。民之福也。敢問計安所出。徵君曰。敵善射。不可輕用其卒。故兵家設機於虛實之間。是以決勝。夫敵之所謀者。在內而不在外。吾之所謀者。在外而不在內。此兵之所緣而虛實也。諸將曰。何謂謀在外而不在內。徵君曰。試之。乃令壯士百人。執戟守關。以文武四臣攝之。諭以兵情。間道而出。遠近埋伏。騎卒游其間。令關吏登堠舉烽。關外鳥鵲皆驚。使賊衆不疑。伏兵在外。又令關下勿擊柝。以懈禁。徵君鼓琴帳中。司馬龍聞之。笑曰。此必叔度作閩態也。吾知其弱矣。遂急攻關門。賊衆曰。關不擊柝而鼓琴。此詐也。內必有伏。且勿攻。司馬龍曰。吾聞黃君多謀而默。以六經爲文。六韜爲武。今吾臨關。彼悠然鼓琴。而戲敵。計誠詐也。且待其衅。徵君謂諸將曰。賊中矣。擒之何有。復令壯士舉烽火。後隊伏兵亦舉火應之。大呼曰。救至。賊衆駭。亦舉火以視。延燒空舍。火光燭雲。徵君令關內弗舉烽。煙氣昏慘。壯士守關者皆寂杳不喧。成列而不敢動。司馬龍曰。救至而內不應。吾料伏兵疲矣。救必懼而不逼。遂躍馬彎弓而前舉之。其後隊步卒且進且退。火遙不相接。欲勒馬歸營。前隊伏兵鼓之而起。司

馬龍橫戈馬前。向衆呼曰。得火。尙可戰也。賊衆亂。步卒與騎馳其後而襲之。司馬龍失火不能戰。自刎而死。賊衆追及。見纓汚血中。哭曰。司馬將軍死矣。吾輩何以生爲。皆自殺。一郡悉平。徵君之是舉也。不傷一民。不匱一庫。而措汝南於枕席之上。可謂奇矣。君子曰。運籌帷幄。決勝千里。其叔度之謂乎。

### 交情

黃憲

李膺訪徵君於衡門。雪甚。道遇郭泰而問曰。子得見叔度耶。曰。泰也以布衣交。安得不見。子以軒冕交。亦軒冕者謁之耳。安得見。李膺有慙色。乃稅駕於野。與郭泰乘蹇驢而造焉。有樵者。臨溪浣足。而歌曰。衡門之雪霏霏兮。有客縕袍。寒溪淡而無聲兮。木落遠皋。二子聞而淒然。時童子候門。見二子來。振衣長嘯而入。徵君及階迎之。復見郭泰而喜。謂李膺曰。甫久不見元禮也。李膺再拜而道曰。膺以羈故。不能仰挹清範。戾也。久處僻壤。每聞令音。私自暢滌。往歲發使者。遺以咫尺之書。穢以不腆之饋。亦惟是夢寐以相達也。子何辭吾以饋。而報吾以書乎。徵君答曰。憲也聞之。貧者不報人以幣。故辭於

使猶報也。夫饋甫以幣。分君祿也。以君之祿而饋人。故亦以君之祿而完也。完祿而報書。均無得焉。憲之卜廬於斯也。春秋之期。有牲醪。足以供祭。一日之餐。有疏食。足以爲常。晝則杜門。有琴籍。足以爲娛。夜則寄臥。有蒲榻。足以爲安。豈復餘乎。夫受而不報。恥也。不能報而受之。亦恥也。故君臣以全義。兄弟以全愛。夫婦以全體。朋友以全恥。古之道也。李膺曰。膺也陋。不能測子之度。若漢室結難。雖整步之儒。咸効馳驅之勞。章句之士。咸奮鉛刀之力。而況子之偉乎。郭泰隱几而臥。徵君謂曰。林宗已卜車於夢寐中。泰應之曰。聖軌賢轍。一行一藏。時哉各努力也。

周巨勝碑

蔡邕

君諱繼。字巨勝。陳留太守之孫。光祿勳之子也。君應坤乾之淳靈。繼命世之期運。元懿清朗。貞勵精粹。體仁足以長人。嘉德足以合禮。總六經之要。括河洛之機。援天心以立鈞。贊幽明以揆時。沉靜微密。淪於無內。寬裕宏博。含乎無外。巨細洪纖。罔不綜也。是以實繁於華。德盈於譽。初以父任拜郎中。疾去官。察孝廉。是以郡守梁氏。外戚貴寵。非其

好也。遂以病辭。太守復察孝廉。乃俯而就之。以明可否。然猶私存衡門講誨之樂。不屑已也。又委之而旋。故大將軍梁冀專國作威。海內從風。世之雄材優逸之徒。莫不委質從命。而顛覆者。蓋亦多矣。聞君洪名。前後三辟。卒不降身。由是搢紳歸高。羣公事德。太尉司徒再辟三辟。察賢良方正。州舉孝廉。皆病不就。擾攘之際。災眚仍發。聖上詢諮。師錫策命。公車特徵。君仰瞻天象。俯察人事。世路多險。進非其時。乃託疾杜門。靜居里巷。外無人跡。庭生蓬蒿。如此者十餘年。強禦不能奪其守。王爵不能滑其慮。至延熹二年。乃更闢門延賓。享宴娛樂。及秋而梁氏誅滅。十一月君卒。然則識幾知命。可觀於斯矣。洋洋乎君德。雖崇山千仞。重淵百尺。未足以喻其高。究其深也。夫三精垂耀。處者有表。爰在上世。作者七人。焉有賅百行。備九德。齊光日月。洞靈神明。如君之至者與。宣所謂天民之秀也。享年五十。不登期考。遐邇歎悼。痛心失圖。乃相與建碑勒銘。以旌休美。其辭曰。厥初生民。天錫之性。有脗有醇。有否有聖。伊惟周君。允卜其正。誕茲明德。自貽哲命。煥乎其文。如星之布。確乎不拔。如山之固。追踪先緒。應期作度。潛心大猷。覃思德謨。



邈世無悶。屢辭王寮。洋洋泌邱。于以逍遙。勉爾童蒙。是訓是教。瞻彼榮寵。譬諸雲霄。優哉游哉。侔此宏高。名振華夏。光耀昆苗。清風丕揚。德音孔昭。

汝穎士優劣論

孔融

融以汝南士。勝穎川士。陳長文難。融答之曰。汝南戴子高。

正陽縣人

親止千乘萬騎。與光武

皇帝共語道中。穎川士雖抗節。未有頡頏天子者也。汝南許子伯。與其友人共說世俗將壞。因夜舉聲號哭。穎川雖憂時。未有能哭世者也。汝南府許掾。教太守鄧晨。圖開稻田數萬頃。累世獲其功。夜有火光之瑞。韓元長雖好地理。未有成功見效。如許掾者也。汝南張元伯。身死之後。見夢范巨卿。穎川士雖有奇異。未有能神而靈者也。汝南應世叔。讀書五行俱下。穎川士雖多聰明。未有能離婁並照者也。汝南李洪爲太尉掾。弟殺人當死。洪自劾詣闕。乞代弟命。便飲酖而死。弟用得全。穎川士雖尙節義。未有能殺身成仁。如洪者也。汝南翟子威。爲東郡太守。始舉義兵。以討王莽。穎川士雖疾惡。未有能破家爲國者也。汝南袁公著。爲甲科郎。上書欲治梁冀。穎川士雖慕忠諫。未有能投命